

सिसक सिसक ने रोवे टाबरिया,
भगता रो परिवार,
भवानी म्हारी जगदम्बा,
माँ भगता रो परिवार,
भवानी म्हारी जगदम्बा,
ए सेवका री अरजी माता,
साम्भलो रे माँ ओ माँ ॥

मै तो थारा कहिजा पुजारी,
सुनो ब्राम्हणी मात,
भवानी म्हारी जगदम्बा,
सुनो ब्राम्हणी मात,
भवानी म्हारी जगदम्बा,
ए थारा रे टाबरिया री अरजी,
साम्भलो ए माँ ओ माँ ॥

रमता खेलता आवो भवानी,
भगता रे दरबार,
कुलदेवी ब्राम्हणी माँ,
भगता रे दरबार,
कुलदेवी जगदम्बा,
ए थारा सेवक ने दर्शन,
देवजो ए माँ ओ माँ ॥

चित्तौड़गढ़ मे आप बिराजो,
कुलदेवी जी आप,
भवानी म्हारी जगदम्बा,
कुलदेवी जी आप,
भवानी म्हारी जगदम्बा,
ए माता ब्राम्हणी अरजी,
साम्भलो ए माँ ओ माँ ॥

दीन दुखी रा कारज सारो,
थेतो ब्राम्हणी मात,
भवानी म्हारी जगदम्बा,
थेतो ब्राम्हणी मात,
भवानी म्हारी जगदम्बा,
ए सोनाला रा भेरू अरजी,
साम्भलो ए माँ ओ माँ ॥

राती जोगा मे आवजो माँ,
कर सोलह सिंगार,
भवानी म्हारी जगदम्बा,
माँ कर सोलह सिंगार,
भवानी म्हारी जगदम्बा,
राती जोगो सेवक थारो,
राखीयो ए माँ ओ माँ ॥

माली भूरजी सेवक आपरो,
दर्शन देवो आप,
भवानी म्हारी जगदम्बा,
दर्शन देवो आप,

भवानी म्हारी जगदम्बा,
कलयुग माई कहिजे थारो,
आसरो ए माँ ओ माँ ॥

सिसक सिसक ने रोवे टाबरिया,
भगता रो परिवार,
भवानी म्हारी जगदम्बा,
माँ भगता रो परिवार,
भवानी म्हारी जगदम्बा,
ए सेवका री अरजी माता,
साम्भलो रे माँ ओ माँ ॥

गायक श्याम पालीवाल जी ।
प्रेषक मनीष सीरवी ।
(रायपुर जिला पाली राजस्थान)
9640557818

Source:

<https://www.bharattemples.com/sisak-sisak-ne-rove-tabariya-bhakta-ro-parivar/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>